

БУРЕ ВАЁН

# Мадьяр выжыкылчи

ДАРАЛИ ЛЕЛИ

Улоньсь кошкиз Шандор Каньядй. Венгер кылбурчиеz удмурт лыдзис Ашальчи Окилы сийем балладалээс авторээ сямен тодэ.

Ш. Каньядй вордскемын 1929-тй арын Трансильваний мадьяр семьяны. Улонзэ литературали сийиз. Тыршиз пёrtэм журнальёсын.

Румыниын но Венгриин лыдзисёсын пумиськонъёсы, литература ужрадьёсы пыриськылз. 1956-тй арын Румыниын гожъяськисьслэн огажесяськызы ыстэмъя Совето Союз зуылз, тодматскиз Москваен, Ленинградэн, ветлз Армение. Кошшут нимо премиен - венгер калыклэн культура удысын валтийс данъетэ.



ныз - 1993-тй арын пусьемын вал.

2012-тй арын Ш. Каньядй сюлмаськемъя Будапештын устьтизы Выжыкыллэс музээ. Писатель луэ пишиослы но бадымъёслы гож-

Тодмо мадьяр писатель  
Ш. Каньядй.

тэм кылбурьёсыныз, выжыкыльёсыныз. Трос гожъяз «Калака» ансамбл понна - кырзанъёс, шудонъёс, нылпиослы пьесаос.

## Ашальчи Оки сярысъ баллада

Шандор КАНЬЯДЙ

Вань чалмымт эльёс дуннеин,  
Кыдёкын соос, ышыгын,  
Вашкала оскон ин улын,  
Сюресъес урдын, палэнын.  
Ышыгез адэе дун лул-виз,  
Со кынем синмын но уг изъ,  
Утчано азъэ со шедьтоз,  
Чанго\* гур нуоз но вуттоз.  
Вань отын чыжыс-выжысъе,  
Ашальчи Оки апае.  
Со гожъяз Удмурт шаерлы,  
Кык книга кузьмаз дорезлы.  
Нош кылбур гожъян тылызэ  
Палэнтиз, мытэз выль ужээ.  
Стетоскоп но скальпель кияз  
Со куттэз. Калыкса эмъяз.  
Оскымон кылиз, туж сйлы  
Пытсэтын ранзись эшээлэ.  
Герд чалмиз... Оки ас сюлмаз  
Зибетэз каргаз но ужаз.  
Даурез ортчиз жоже, чалмымт,  
Адёнолы ёз сётсеки чыгымыт.  
Нош Европа гажаз ассэ,

Аслэсътыз гинэ гогызэ,  
Окиез шат со валаоз,  
Оло, куляяк луоз но паймоз,  
Тодыса улэп кылемээ,  
Кырзамыс чутрак дүгдэмээ.  
Кин улз - тодэ, со гинэ,  
Ас ёзээ тодэ, ми - туннэ  
Валаськом вёт пыр: чалмыны  
Со дйсътиз. Кутскиз эмъяны.  
Со лулъяз ванъэ юн сюлмыны:  
Кин вормиз, кин вал вормемын.  
Со улз урел кырзанэн,  
Ваче син ийнэтэм зибетэн.  
Ашальчи Оки, апае,  
Кык тузыд но кык книгаед,  
Соосты сюлмам возисъко,  
Тон сярысъ дорам кырзасъко.

Чанго\* - Румыниын улйись венгер калык выжы

Венгер кыллысъ берыктэй  
Анатолий УВАРОВ 1989-тй арын

ИВОРЬЁС

## Кунояттисъес кунояськызы

Мария ИВАНОВА

Инвожо пумын  
Йёскалык библиотека-  
ын ужасьес зуылз  
Можга ёросысъ Сибы  
гуртэ. Талэсъ азъывыл  
сибыос библиотекалэн  
«Удмурт шаер» клубаз  
кунояськызы вал.  
Сибы гурт - трос удмурт

азъветлтисъёслэн, писательёслэн кокызы. «Удмурт шаер» клубын пумиськон дыртъя тро-сээ сярысъ мадиз Сибы гуртасы библиотекаен кивалтэй Е. Сергеева, вераськиз драматург А. Леонтьев, артистка О. Гаврилова, драматург И. Гаврилов сярысъ тодэ ваэнгъёссе вераз театрэвэд А. Евсеева но мукет.

Таяз ради сибыос доры зуылз ижъёс. Удмуртийсъ

калык писатель В. Ар-Серги аслэсътыз выль кылбурьёссе лыдзиз, улонзэ но творчество-еэс сярысъ мадиз, нош удмурт кылбурчи, кырзась Н. Мерзляков бидэстийз аслэсътыз кырзанъёсса. Библиотекарь Г. Сергеева Йёскалык библиотекалэн юбилеэз сярысъ вераз.

Вераны кулэ, туз шаермы ортчэ Можга ёрослэн ли-тератураэлзы сийем ар, та уж-рад солы ик тупатэмын вал.

КЫЛПУМЫСЬ

## Яратонлэн дуныз - курадзон

Алена ВАСИЛЬЕВА

Австралийсъ нылкыш-но гожъяськисълэн Колин Маккаулэн «По-ющие в терновнике» романаз (16+) возьма-тэмын бадзым семьялэн быдэс даур чоже улэмез, литературали сиёче жанрез сага шуо.

Вань, пе, легенда одиг тылбурдо сярысъ, со улоназ одиг пол гинэ кырза. Карайсътыз лобзыса, со утча терновнике. Отын, шулдэр но жингрес чирдыса, будослэн кузь но лэчыт венез шоры бышталске. Одиг пол гинэ гурлам понна быдэс улонзэ сётоно!

Роман кутске 1915-тй арын Виль Зеландиын. Фиона но Падрик Клириослэн трос пинальёссы, Мэгги - огназ ныл. Со котырын ик романлэн сюжетээ берга. Улонзы огсыр мынэ. Ваньмыз воштэйске Падриклэн Австралийн улйись апаэллэн гожтэтээ берэ: Мэри Карсон дораз Дрохедае улыны ёте Клириослэсъ быдэс семьязэс. Со туж узыр, солэн бадзым коркаэз, паськытээ лудъёссыз... Нош чыжы-выжыз Падрик сяна ёвл, ваньмыз куке но кылээ солы.

Кузь сюрес вылысъ Клириосты пумита Ральф де Брикассар, священник. Синмаське Мэгги. Та пумиськонысен ик кутске романлэн зэмос сюжетээ, действиэз.

Жоген Мэгги но Ральфлы синмаське. Но пиосмурт бирье черкез, Инмарез.

Одиг нуналэ Клириосдоры вуэ Люк ОНил. Кёня ке улыса, ог-огзэс уг ярато ке но, соос Мэггиен кузпальяско но Дрохедаись кошко. Люк тростник кора, кышиноэз доры толэзёссын уг вулы. Мэгги улэ Мюллер кузпальёс дорын, юрттэйске соослы. Жоген солэн Люклэсъ Джастина ныльз вордийске.


Мюллэрёс Мэггиэз Матлок шормууче шутэтскины келяло. Люк со доры уг мыны, но вуэ Ральф: Риме кошкемэлэсъ азъло солэн Мэггиэз адээмэз потэ. Мэгги шёдэ: солэн Ральфлэсъ пиналыз луоз - одно ик пи! Со шумпотэ: Ральф Инмарез бирийз ке но, пиеz Мэггиэлэн гинэ луоз.

4 ар палэнин улыса, Мэгги пинальёссыныз Дрохедае бе-рятске. Дэн но Джастина туж пёrtэмесь, но ог-огзэс туж ярато. Ныльз сцена доры кыстийске, нош яратоно пиеzлэн улонзэ черкен герзамэз потэ, уг ке но тоды, атаэс священник шуыса. Мэгги вала: Инмар озы солы пунэмэз берицкэ. Озы ке но лээз пизэ Риме. Дэн священник луэ. Грецын, 2 выйись кышномуртъёслы юрттыса, ачиз вуясь потыны уг быгатыни... Соку ини Мэгги Ральфлы вера, Дэн солэн пиеz вал шуыса.

Паймоно кадь, макем трос чида кышномурт сюлэм! Фиона но, Мэгги но ышто матысъ адямиоссэс, озы ке но соос туж шудоесъ, малы ке шуоно улоназы вал бадзым яратон. Но со понна, легендадысъ тылбурдо сямен ик, тужгес дуноенэз люкиськоно луизы, уго курадзытээ номыр уг сёйтиськы...

зуч кылын гожъяськисъ писательёслэсъ кусыпъёссы, устыны выль нимъёсты, вёлмытыны А. Чеховлэсъ творчествоз.

Озы ик радъяськоз конкурс но. Нимаз дунъяськозы яратон, инкуаз, нылпиос сярысъ кылбурьёс, ожлы сийем авторской кырзанъёс, А. Чеховлэн произведениосызъя гожтэм чуръёс. Вормисьес дуно кузымъёс утозы.



Удмурт дунне

№ 53 (25668)  
2018-тй ар 17-тй посътолээз (июль)



1915-тй арысен

УДМОРТ ВИЛЬ СИХ ГУДЫРИ

1917-тй арысен

1918-тй арысен

1918-тй арысен

КОММУНА

СОВЕТСКОЙ УДМУРТИИ

Удмурт дунне

1930-тй арысен

1943-тй арысен

1992-тй арысен

Учредители:

Государственный Совет  
Удмуртской Республики  
Правительство  
Удмуртской Республики  
Главный редактор  
З. К. Рябинина

Адрес редакции-издателя:

426008, г. Ижевск,  
ул. К. Маркса, 274  
www.udmdunne.ru  
e-mail: udmdunne@yandex.ru  
«Ижевский полиграфкомбинат»  
(426039 г. Ижевск,  
ул. Воткинское шоссе, 180)

Телефоны:

73-33-44 - гл. редактор  
73-33-42, 89511953766 - приемная, рекла-  
ма, зам. гл. редактора  
73-33-46 - отв. секретарь  
73-33-43, 89511953766 - корреспонденты  
73-33-41 - бухгалтерия

Индексы: П 5806, П 5001

Тираж номера 1110  
Заказ № 364  
Объем 2 л. л.  
Цена свободная  
Подписано к печати - 18.00  
По графику - 18.00

Мнение авторов не всегда совпадает с

мнением редакции  
Использование материалов допускается  
только с разрешения редакции  
Материалы, публикующиеся с пометкой  
«Д» и «Реклама», печатаются на договор-  
ной основе.

Газета зарегистрирована Управлением

Федеральной службы по надзору в сфере  
связи, информационных технологий и  
массовых коммуникаций по Удмуртской  
Республике  
Регистрационный номер  
ПИ №ТУ18-00646  
Рекомендовано для чтения с 12 лет